

# 卷二

書名 事物紀原二十卷 正統九年序刊本  
 撰者 宋 高承 撰, 明 陳華等 校  
 卷二  
 內容分類 子 類書 彙考 宋  
 索書號 子部 類書 15  
 編號 C5923100

[彩色首頁1](#)

[東洋文化研究所漢籍目錄 編號: C5923100](#)

[東洋文化研究所漢籍目錄所藏漢籍善本全文影像資料庫 索書號: 子部 類書 15](#)

[漢籍善本全文影像資料庫文本 事物紀原二十卷 正統九年序刊本](#)

版權所有: [東京大學](#) [東洋文化研究所](#)  
[使用上的注意事項](#)

事物紀原卷之一上

(天地生植門)

漢陽府推官 建安陳華批點  
 致仕教諭南平趙弼校正



列子曰太易者氣之未見也太初者氣之始也  
 始者形之始也太素者質之始也形氣質具而  
 離故曰渾淪高氏小史曰太易氣象未分太初  
 象始萌太始氣象初端太素形氣變質太極形  
 質已具然則元氣之始自太初也徐整三五曆紀

東方文化學院東京研究所

No. 1472

0 1 2 3 4 5 6 7 8 9 10 1 2 3 4 5 6 7 8 9 10

東洋圖書

東洋圖書

事物紀原卷之二

漢陽府推官建安陳華

致仕教諭南平趙弼校正

(續御命婦門)

南史后妃傳叙曰。晉武帝初置淑儀為九嬪視九鄉

唐百官志云。明皇開元中置六儀其一曰淑儀用晉事

也。宋真宗大中祥符六年正月二十一日增置淑儀官

南史魏明帝大始二年置淑容。或置或否。宋初亦省

不置大中祥符中與淑儀增置也。

順儀 北史后妃傳。隋煬帝參詳典故。置順儀為九嬪。唐除之。明皇開元中。置六儀。四曰順儀。宋初亦不設。真宗朝與淑儀同置。

順容 隋煬帝置。宋朝真宗亦增置。與淑儀同。


婉儀 北史后妃傳曰。北齊文宣河清中。置婉儀為八十一

御女。唐初不置。至明皇置淑儀。以婉儀為四也。宋真宗亦增置

婉容 宋真宗大中祥符六年正月二十一日。增置淑容。以

下至婉容凡六。並從一品。在昭儀之上。

昭儀 漢元帝置。昭儀元魏置。左右昭儀。職視大司馬。北齊



文宣時。北丞相。唐為九嬪。

昭儀 漢武帝所置。南朝亦有之。唐為九嬪。

昭儀 唐百官志曰。唐因隋有之。考隋志。北齊不載。乃唐之置也。

昭儀 魏明帝所置。隋煬帝以為九嬪。

昭儀 魏文帝所置。隋煬帝亦置之。

昭儀 唐百官志曰。唐因隋志有昭儀。北史后妃傳。北齊文

宣河清中。置昭儀為御女。唐以為嬪。蓋采齊制也。

昭儀 隋有充儀為九嬪。唐會要內篇職曰。自武德時已有

此職。

充容。漢有充容。是為漢官也。北史曰。隋煬帝參詳典故著之于今。

充媛。唐志云。唐因隋志有充媛。考隋書及正史。其載必唐志也。

婕妤。前漢有班婕妤。好皆見於傳。南史后妃傳叙曰。婕妤漢之舊號也。隋煬帝以為正二品。通典曰。漢武帝置婕妤。視上卿。比列侯。

貴人。漢先武始置貴人為三夫人。宋真宗亦置。

美人。先武又置美人。歷代多有。宋朝初置職正四品。

才人。南史曰。晉武帝采諸魏之制。夫人外有才人。通典命

職曰。漢有才人。則是漢所置也。

夫人。唐虞夏商公侯之妻。尚無夫人之號。由周克商。列爵惟五。下其封國皆稱君。其妻皆為夫人。其事雜見於詩禮。雖皆命於天子。亦無封冊之禮。漢崔蒙母師氏。能通經學。百家之書。王莽寵以殊禮。賜號義成夫人。是則夫人之封。自莽始也。自魯昭公娶于吳。為同姓。夫人始不命于天子。至王莽乃加封號云。

前漢文帝紀。七年七月。令列侯太夫人。無得擅稱。徽號。如郭云。列侯之子。復為列侯母。即稱為大夫人。蓋

漢制也。晉虞譚母亦拜武昌侯太夫人。晉始加冊命。  
國夫人。隋高涼洗氏以功封譙國大夫人。此夫人封國之  
始也。

郡夫人。通典曰：隋高涼女子洗氏世為南越首領有功冊  
為高涼郡夫人。既而又冊譙國大夫人。此夫人封郡之  
始也。

戰國時列國臣子有功者皆封君。秦孝公封公孫鞅  
為商君是也。有婦人而封君者漢始有之。蓋取春秋小  
君之義。

漢武帝尊王太后母臧兒為平原郡君。此封郡君之  
始也。

武帝又封太后微時金王孫家所生姊號脩武縣君。  
此封縣君之始也。

唐制四品以上為郡君。五品為縣君。其母邑號皆加太  
君。此封稱太君之始也。

朝廷注措門

項峻始學篇曰：天地立有大號曰天靈。即帝王尊號  
之始也。堯曰放勳。舜曰重華。禹曰文命。秦有天下。李斯

王綰請上尊號曰秦皇。至唐高宗上元二年九月壬辰始稱天皇。中宗神龍元年十月上尊號曰應天皇帝。玄宗開元以後宰相始率百官上尊號。以為常制。宋神宗熙寧中以上虛名無實行遂廢之。

史記李斯議天子自稱曰朕。

司馬遷作史記凡指君尊皆依違不止言但稱曰上太史公自叙書漢武本紀曰今上之類是也。今臣下呼天子曰上。由司馬子長始也。

二儀寶錄曰唐武德初制天地常服黃袍及衫後漸用赤黃遂禁止士庶不得服其事蓋自神堯始也後又曰赭黃今倍以天子常服淺黃為赭黃也赭黃與日色相似故謂之赤黃見王建宮詞。

服御唐會要曰天寶七年正月二十八日帝韶奏御紫床褥去紫用赤黃制可然天子服御以黃自帝韶之請也。

陛下周以前天子無陛下之呼史記李斯議事始稱陛下蓋以天子陞堂必有近臣在階側以備不虞臣與君上言不敢指斥但呼陛下等因卑達尊之義實自秦始也。

聖節明皇雜錄曰。唐玄宗八月五日降誕。是日宴宰相于  
花萼樓。源乾曜請以是日為千秋節。休暇三日。長慶七  
年十月十日。穆宗誕日。令天下州府置宴。文宗開成二  
年誕日。始禁屠宰。此聖節置宴之始也。

改元史記素本紀。惠文王十四年。更為元年。又六國表云。  
初更元年也。檢自歷代人君即位為元年。中間無改元  
之制。至秦惠王乃始有之。漢因秦故。文帝因之。亦有中  
元。後元之改。迄今以為常。是則改元之始。自秦惠文王  
始也。

自漢武帝建元元年始。顏師古注前漢書曰。自古帝

王未有年號。始起于此。而紀年通譜云。道書有開皇能

漢上皇永壽等年號。莫知是何代也。稿按紀元云。以一字紀元。每始

年。以二字紀元者。始於武帝建元元年。以三字紀元者。始於梁武帝中大通元年。尚字紀元者。始於漢哀帝太初元年。今詳立號以紀元。當始於梁武帝也。

萬歲七國之時。眾有喜慶於君者。皆呼萬歲。秦漢以來。臣

子對見于君。拜恩慶賀。率以為常。

山呼。後人以呼萬歲為山呼者。其事蓋起於漢武帝時。按

本紀云。元封元年正月。武帝登山松高。御史乘屬在廟傍。

吏卒咸聞呼萬歲者三。迄今三呼以為式。而號山呼也。



上壽通典曰。禮有獻酬。無上壽。惟詩大雅云。虎拜稽首。天子萬壽。豳風云。為此春酒。以介眉壽。此灼然明文。非彷彿其事也。古者詩工皆歌之。故得而言也。漢興叔孫通定禮儀。明年長樂宮成。諸侯朝賀禮畢。置酒殿上。尊卑次起上壽。其事本起於此。按淳于髡傳。對齊威王。有侍酒于前。奉觴上壽之語。及楚莊王置優孟前。為燕喜戰國時事。蓋非自漢始也。

起居通典曰。唐貞觀十三年。房喬奏請三日一臨朝。二十三年九月十八日。太尉無忌奏請視朝坐日。高宗報曰。

朕即大位。自今已後。每日常坐。永徽元年十月五日。初命京官五品以上。依舊五日一參。二年八月十九日。詔此後每五日一度。於太極殿視事。朔望即為式。蓋今五日起居之始也。漢書循吏傳曰。漢宣帝五日一聽事。則彷彿起居之事。其禮雖見于漢。要自唐始行之也。

記注。漢武有禁中起居。禁後記注。東漢明德馬皇后自撰顯宗起居注。蓋周禮左右史之事也。謂之起居注。則自後漢始。唐藝文志亦有獻帝起居注。自此歷代皆有之。時政紀。唐會要曰。永徽已後。左右史惟侍對。伏後謀議皆

不聞姚璹音請伏下所言軍國政要宰相二人撰錄號時政紀憲宗問李吉甫何請時政紀對曰是宰相記天子事以授史官之實錄也是則其事起自唐高宗時從姚璹之請也。

**索扇**唐書明皇時蕭嵩為相以為天子升降俯仰衆人皆得見之非肅穆之容也奏請凡朔望受朝備羽扇于殿上駕將出所司承旨索扇合于上座上坐之然後方去扇禮畢上將退又索扇如初此制之始自蕭嵩請也今之掌扇即是也。

**閣**宋時國朝會要自唐敬宗始御紫宸殿群臣展入閣之儀後唐明宗天成初又以月望入閣弼按山堂考索宋朝以舊制皆以月朔閣門先期舉奏詔可即施行仁宗康定一年八月宋庠奏唐世每遇坐朝之日即為入閣叔世離亂五朝草創大昕之制更從簡易正衙立仗因而遂廢其後或有行者常人之所罕見乃復謂之盛禮其不然也况唐開元舊禮至開寶中諸儒增附新禮始載月朔入閣之儀又丁度奏入閣今詳元起請入閣是唐朝隻日於紫宸殿受常朝之儀。

延英唐書韓臯曰延英之置肅宗以苗晉卿年老難步故設之耳後代因以為故事宋朝會要曰康定一年八月宋庠奏唐自中葉以還雙日及非時大臣奏事別開延英賜對宋時暇日御崇寧延和是也

**廊食**唐會要曰貞觀四年詔所司于外廊置食一頓五代會要曰唐室昇平日常奏對官每日朝退賜食謂之廊食宋時起居幕中亦賜酒饌蓋自唐太宗始也

**避殿**史記吳王濞傳曰七國反吳王既敗走景帝詔大將軍曰楚王卬等重逆無道燒毀宗廟朕素服避正殿則

其事始自漢景帝也

事始云後漢鍾離意諫明帝起北宮疏曰陛下躬自克責降避正殿損常膳錄記以為二事之始今檢意傳疏止言避正殿而無損膳之語又前漢文帝紀已書徹服損膳及賈山上疏文帝言治亂自陛下即位親自勉以厚天下損食膳不聽樂則事始所記謬矣按周官膳夫掌王之食羞五日一舉鼎十有二齋日有三不舉大喪則不舉大荒大札天地有烜那有大故皆不舉是則三不舉者損常膳也蓋有周禮典云迄今以為式

唐會要曰。開元十八年十二月。張說薨。輟朝罷元會。又太和三年七月。崔龜泰云。貞觀中任瓌卒。有司對仗。奏聞。太宗責其乖禮。本文本發其夕。罷警嚴。張公謹亡。哭不避辰日。臣謂大臣薨。禮合輟朝。推此則太宗以來。尚未行輟朝禮。會要首錄開元事。當自明皇始也。

殿門沈括筆談曰。周禮天官掌舍無官。則共入門。今謂之殿門。乃武官極長人之選。上御前殿。執鈇鉞于紫宸門下。行幸則為禁園于仗門之前。今俗謂之鎮殿將軍也。又曰。官殿行幸有衡門十人。選武力絕倫者為之上。

御殿則執搗東西對立。以肅殿廷。亦古虎賁之類也。

唐會要曰。武后垂拱二年。置此以達下情。蓋取白獸。導之義也。今登聞鼓所投。此其始也。梁天監元年。於公車府立謗木。肺石置函。欲有橫議。則投謗木于函。是則唐之置廳用此也。

昔堯置敢諫之鼓。即其始也。用下達上。而施於朝。故曰登聞。

### 治理政體門

進貢 尚書禹貢。禹別九州。始任土作貢。孔安國註。謂貢賦。

之差。堯時事。則進貢之始。在禹平水土之後也。

**賞賜** 書曰。車服以庸。自唐虞即然。商書。功懋懋賞。周有車馬器服之等。皆賞賜之始也。

**待服** 宋太祖建隆三年。十月。賜近臣冬服。弼按杜子美端午日賜衣詩云。宮衣亦有名。端午被恩榮。蓋時服之賜。唐時已有矣。

**筆談** 曰。天下吏人。素無常祿。惟以受賂為生。熙寧二年。始制天下吏祿。而設重法以禁請託。

**借緋** 通典曰。開元八年二月。勅都督刺史品卑者。借緋及

魚袋。是則借緋之制。自明皇始。

唐武后天授二年八月。右羽林大將軍建昌王攸寧。借紫衫金帶。九月二十六日。除納言。仍舊着紫金帶。是則借紫之制。始于武后攸寧也。

**執事** 禮受命於君前。以笏。此三代之制也。古者貴賤通用。以書君上政令。及思對命。後代惟八座尚書執之。其餘公卿執手板。至後周武帝保定四年。始令百官皆執笏。

**版簿** 周禮司民。掌登萬民之數。自生齒以上。皆書于版。太宰聽閭里。以版圖。今州縣有丁口版簿。蓋始于此。

公華曰。鬻爵賣官。三代無有。自漢文帝納是錯言。令人入粟於邊。拜爵各以多少為差。此即賣官之始也。

史記李園事者。申君謁歸故室。則假告已見于戰國時。漢律。吏得五日一休沐。言休息以洗沐也。唐永徽三年二月十日。以天下無虞。百司務簡。每至旬假。許不視事。以寬有僚休沐。然則休沐始于漢。其以旬假休則始于唐高宗也。

唐武德六年三月。令天下民戶。每歲一造帳籍。開元十八年十一月。勅諸戶籍三年一造。此戶口有帳始。

利源調度門

井田 通典曰。黃帝始經土。設井田。以塞爭端。立步制。畝以防不足。使八家為井。間為四道。此井田之原也。其法肇于黃帝。成于大禹。備于周。壞于秦也。

水 通典曰。井田廢。溝澮堙。水利所以作也。通典曰。魏文侯使李悝作水利。此水利之始也。

常平 漢宣帝時。年穀豐稔。耿壽昌奏。請邊郡以穀賤時增價糴入。穀貴則減價糶出。名曰常平。此其始也。宋淳化五年六月。京畿大稔。物價至賤。遣使于京國四門置場。

增價糶令近倉貯之名曰常平歲歉乃減價以糶用賑貧民。

**義倉** 通典曰隋文帝開皇五年長孫平奏令諸州百姓勸課當社共立義倉唐太宗貞觀中戴胄言隨天下之人節級輸粟名為社倉又韓仲良奏王公以下應墾田者每畝納二升貯之州縣倉以備凶年賑給百姓蓋義倉之置自隋文帝始。

**倉** 倉所以貯國儲也商有鉅橋漢有成臯教者隋有黎陽自古亦無名額隋文帝開皇三年華州置廣通倉名

之有名此其始也。

**兩稅** 唐食貨志曰自開元以後租庸調法漸代宗時始以兩定稅至德宗相楊炎遂作兩稅法夏稅無過八月秋稅無過十一月是兩稅之始肇于天寶兵興之後也按春秋傳宣公十五年秋初秋畝公羊傳曰稅畝者何復報而稅也今之稅以畝計此其初也其事雖出乎唐代宗亦緣春秋有稅畝之事耳其夏秋兩稅則自德宗始

**商稅** 孟子曰文王之治岐也關市譏而不征則是夏商二代無稅矣又曰有賤丈夫焉必求壟斷而登之以左右

望而罔市利。人皆以為賤。故從而征之。征商自此賤矣。夫始矣。此商賈之初有稅也。周官司關曰。國有凶札。則無關門之征。趙岐曰。王制云。古者關譏而不征。謂文王以前。周禮關門有征。謂周公以來有之也。

**雜稅**自夏后為貢。至商為助。周人為徹。其取於民也有制。故國有定賦。而無橫歛。周衰之末。諸侯之強。伯相尚兵。革不息。故費傳而什一不足。此雜稅之法。所以興也。是後漢武帝算舟車。唐德宗時。天下竹木茶漆皆有稅也。**稅**唐書食貨志云。貞觀中始稅草。以給諸閑。

**錢**沿革曰。晉宋齊梁時。凡貨牛馬田宅有文券者。率輸四百入官。賣主三。買主一。蓋始于漢武筭緡也。

**雜稅**沿革曰。漢武帝天漢三年。始榷酒酤。

起于唐德宗時。趙贊張滂建議。稅其什一。唐會要曰。貞元九年正月。初稅茶。先是張滂奏請于有茶州縣。及茶山要路。定三等稅。每十稅一。茶之有稅。自此始。一云。穆宗時。王涯始榷茶。

**鹽**其始原于唐第五琦。是後劉晏代其任。大曆末。征賦所入之鹽。當天下太平之賦。



沿華曰。秦伐白奴。天下飛芻輓粟。此漕運之始。

**屯田** 事始曰。漢明帝詔。故將吏屯田於張掖。謂為屯田之始。

按西域傳。自武帝初通西域。置校尉屯田於渠犂。又征和二年。桑弘羊奏言。可遣屯田卒。益種五穀於張掖酒泉。然則屯田之制起于漢武開西域之時也。

**職田** 孟子曰。鄉以下必有圭田。禮記王制曰。圭田無征。周官亦有大夫之采地。此職田之起也。晉有芻藁之田。後魏給公田。北齊自品以下各有公田。唐時制外官各給職田。然則職田之名。唐始有之。宋真宗欲復職田。羅錦等論討故事。沿華復興之。

事物紀原卷之三

事物紀原卷之三

漢陽府推官建安陳華批點  
致仕教諭南平趙弼校正

(公式姓諱門)

**勅** 三代以上。王言有典。謨訓誥誓命。凡六等。總謂之書。漢初定儀制。有四。其四曰戒勅。今勅是也。自此帝王命令始稱勅。至唐高宗顯慶中。始云不經鳳閣鸞臺。不得稱勅。其名遂定于此。

**勅** 唐高宗上元二年。以勅制施行。既為永式。用白紙。多